

卷五

群書考索卷之一

山堂先生章俊嫻編輯
建陽知縣區玉刊行



後集

官制門

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官

商官明堂位曰商官二百而鄭

周內內二千六百四十三人外諸侯

秦制等以賞功勞

漢吏哀帝時官數兼

後漢內一千五百一十二人外都計內

書名 群書考索後集殘二十一卷
撰者 宋 章如愚 撰
卷 卷五
內容分類 子-類書 彙考-宋
索書號 大木-總類-志書-通代-33
編號 C5930600

東洋文化研究所漢籍目錄 編號: C5930600
東洋文化研究所漢籍目錄所藏漢籍善本文影像資料庫 索書號: 大木-總類-志書-通代-33

漢籍善本文影像資料庫 群書考索後集殘二十一卷
版權所有: 東京大學 東洋文化研究所
使用上的注意事項

新法故特象宰掌邦計之說謂宰相當主財計遂與三司分權凡稅賦常貢征確之利方歸三司摘山煮海坑冶權貨戶絕沒納之財悉歸朝廷其立法與常平免役坊場河渡禁軍闕額地利之資皆號朝廷封儲又有歲科上供之數盡運入京師別立庫以貯之三司不預焉於是祖宗處國計之良法盡數矣自元豐改官制戶部尚書全無計相之權職在行朝廷之文移僅能經畧在京官吏諸軍俸祿而已以此論之三司使之職不待改官制而不受權自熙寧變更法度之時已壞矣元豐罷三司副使

群書考索卷之四

後集

群書考索卷之五

後集

山堂先生章俊卿編訂
建陽知縣區玉刊行

官制門

三公類

夏商以前云三公無官。伊尹曰三公調陰陽周以太師太傅太保曰三公。記曰三公無官古有其人然後充之舜之於堯伊尹之於湯周公召公之於周是也。或說司馬主天司徒主人司空主土是為三公漢以丞相太司馬御史大夫為三公。後漢以太尉司徒司空為三公天地災變即皆冊免自太尉徐防始為靈帝就長安拜張溫為太尉三公在外自溫始也魏晉宋齊梁陳後魏北齊皆以太尉司徒司空為三公。宋志云三公之職太師君首唐帝名師故置太宰以代之後周以太師太傅太保為三公司徒為卿隋以太尉司徒司空為三公唐因之

要道宋治平二年詔自今皇子及宗室早屬除檢校師傅言隨其遷序改授三公仍俟加恩改授。元祐令太尉司宰司空為三公

三師

三師太師太傅太保古官。殷太甲時伊尹為太保紂時胥餘為太師見漢儀注。又記曰虞夏商周有師保疑丞成王作周官立太師太傅太保

茲為三公尚書。逸禮三公為太師周公為太傅召公為太保。前漢承秦制闕三師之位。呂后以王陵為太傅陵免官省。平帝元始元年始置太師太傅太保金印紫綬太師位在太傅上太傅次太傅漢百

漢志傳保在三公上號曰三公初學。明雖天子必有所師六。東漢以後常曰三公初學其後或置或廢大抵無所統職晉初依周備三公三公之職太師居首景帝各師故置太宰以代之宋百太師太傅太

保為三公訓護人主道以德義天子加拜以不臣之禮非其人則缺宋。南齊唯置太傅南齊百至後魏特稱三師以正其名正一品然非道

德崇重則不居其位無其人則缺之六。後齊多循後魏置太宰太傅太保是為三師隋百近代陳多以為贈官六。後周改為三公六。

隋高祖既受命置三師三公三師不主事不置府僚蓋與天子坐而論道者也隋百。煬帝即位廢三師官隋百。唐太師太傅太保各一人是為三師唐百其或親王自拜者但存其名耳六。宋之制以太師

太傅太保為三師。太祖時符彥卿為太師李彝興自守太傅為太尉高保融自守太保為太傅。元祐令太師太傅太保為三師。三公之

官尤重太師趙韓王以勲文潞公以年方得之此二年不拜自司空五遷至太師。王文正公呂文靖公皆任相二十年纔以太尉致仕可見

宋朝重太師之官也。政和二年詔曰太師太傅太保此古三公之官為宰相之任今為三師然古無三師之稱合依三代為三公官不必備

惟其人為真相之任若除三公即為宰相。靖康末詔依元豐故事以僕射為宰相三公止為階官不復與三省之政焉六。

三少

周以少師少傅少保為三孤貳公弘寅亮天地弼予一人。通典曰此

三官名曰三孤孤時也言卑於公尊於卿特置此三人。書微子殷既錯天命微子作誥少師少師。秦漢而下省。前漢百官公卿表太師太傅太保為三公又立三少為之副少師少傅少保是為三孤與六卿為九焉。後漢百官志太傅天子燕業反其學左右之習詭其師合諸侯遇大臣不知文惟之辭已語之適簡聞小誦不博不習此少師之責也天子居處出入不以禮衣服冠帶不以制御服列側不以度采服從好不以章忿悅不以義與奪不以節此少傅之責也天子居處燕私安而易樂而取飲食不時醉飽不節寢起早晏無常玩好器弄無制此少保之責也後周置三孤以貳三師。宋初沿唐制置三師以太尉司徒司空為三公。元豐肇新官制於三師三公無所改。政和二年詔司徒司空周六卿之官非三公之任乃令之六曹尚書是也。太尉秦官君主兵之任亦非三公太尉司徒司空並罷依周制三孤之官乃次輔之任或稱三少為次相之任通典續金華。

檢校官

唐有檢校官。宋之制檢校官一十九三公三師六少卿至本朝共十三。元豐官制行左僕以下皆為職事官故罷之凡三師三公授自司徒遷太保太傅太師太傅遷太尉太尉遷太師故唐官其如之續會。政和二年罷太尉司徒司空以少師少傅少保為三少後亦置檢校官。紹興七年王曩檢校少師錢忱檢校少保。

宰相

黃帝置六相謂得靈尤而明天道得太常而察地理得靈龍而辨東方得祝融而辨南方得封后而辨西方得后土而辨北方謂之六相

堯有十六相

虞舜臣堯舉八愷吏主右士以揆百事莫不時叙地平天成舉八元使布五穀于四方內平外成謂之十六相並通

殷湯有左右相。以伊尹為右相以仲虺為左相宋百官志。武丁得傳說

爰立作相王置諸其左右書說命篇

周成王有左右相。召公為保周公為師相成王為左右亦其任也

秦悼武王二年始置左右丞相官。以樗里疾甘茂為左右丞相。茂為左疾為右。莊襄王又以呂不韋為丞相及始皇立尊呂不韋為相。國則相國丞相皆秦官也。金紫印綬掌丞天子助理萬機。秦初有左右荀悅曰秦本次國命卿二人是以置左右丞相。凡三公官至二世復有中丞相。

漢高帝即位置一相綠綬。三年拜曹參為假左丞相。即漢初丞相。當有左右。今言一丞相或漢書之誤。以蕭何為之。及誅韓信乃拜何為相國。何薨以曹參為之。孝惠高后置左右丞相。文帝初立平乃謝病以讓丞相。月俸六萬。初陳平為左丞相。故諸呂文帝初立平乃謝病以讓周勃乃以勃為以丞相位第一。平為左丞相。位第二。勃免。平專為左相。武帝用劉屈氂為左丞相。分官局為西府。虛其名以待四方之選。成帝實加元年御史大夫何武建言宜建三公官。定卿大夫之任。分職授政。以考功效。於是上拜曲陽侯王根為大司馬。而何武自御史大夫改為大司空。皆金印紫綬。此丞相則三公俱為宰相。哀帝復罷大司空。

元壽二年更名丞相為大司徒。初漢制常以列侯為相。惟公孫弘布衣數年登相位。武帝乃封為平津侯。其後為故事。至丞相而封。自弘始也。漢東京不復置。後漢廢丞相及御史大夫。以太尉司徒司空而以總理衆務。則三公復為宰相矣。獻帝建安十三年復置丞相。而以曹公居之。又有相國。

魏黃初元年改丞相為司徒。文帝復置中書監令並掌機密。自是中書多為樞機之任。復置大丞相第一品。後文有相國。齊王以司馬師為之高貴鄉公。以司馬昭為之。

吳有左右丞相。

晉惠帝永寧元年置丞相。復置司徒。趙王倫篡位以梁王彤為丞相。○永興元年以成都王穎為丞相。愍帝建興元年以琅琊王睿為左丞相。南陽王保為右丞相。三年以保為相國。睿為丞相。其後或有相國。或有丞相。皆置無常。而中書監令常管機要。多為宰相之任。○元帝渡江以王敦為丞相。轉司徒。荀組為太尉。以司徒官屬。并丞相為留府。敦

不受。成帝以王導為丞相罷司徒府以為丞相府導薨罷丞相復為司徒府

宋孝武帝初雖以南郡王義宣為丞相而司徒府始如故再有相國丞相金章紫綬進賢三梁冠絳朝服佩山玄玉相國則綠鑿綬也

齊不用人以為贈官。齊職儀相國綵綬衮冕服

梁罷相國置丞相罷丞相置司徒
陳又置相國位列丞相上并丞相並為贈官。自魏晉以來宰相但以此官參掌機密或委知政事者則是矣無有常官其相國丞相或為贈官或則不置自為尊崇之位多非人臣之職其真為宰相者不必居此官通典。相國丞相秩萬石

後魏舊制有大將軍不置太尉有丞相不置司徒自正光以後俱始置之

北齊乾明中置丞相河清中分為左右各置府寮然而為宰相兼侍朝政者以多為侍中。趙彥琛元文選和士開同為宰相皆兼侍中

後周恭帝三年初行周禮建六官有太冢宰亦其任也。隋文帝三年左右丞相。大象二年以楊堅為大丞相遂罷左右丞相官

隋文帝自大丞相代後周遂置內史納言即中書令侍中是為宰相亦通典有他官參預焉。柳述為兵部尚書掌機事又楊素為右僕射與高穎專掌朝政並通典

唐世宰相名尤不正初以三省長官中書令侍中尚書令共議國政此宰相職也其後以太宗嘗為尚書令臣下避不敢居其職由是僕射為尚書省長官與侍中中書令號為丞相品位既崇不欲輕授常以他官

居宰相職而假以他名唐百官志如同中書門下三品乃平章事知政事參知機務參與政事及平章軍國重事之名是也通典。自太宗時杜淹以

吏部尚書參議朝政魏謩以祕書監參預朝政其後或曰參議得失參政知事之類其名不正皆宰相職也。正觀八年李靖以疾辭位詔疾

小瘳三兩日一至中書門下平章事平章之名蓋始於此。其後李勣以太子詹事同中書門下三品位謂同侍中中書令也而同三品之名

蓋起於此然二名不專用而他官居職者猶假他名如故自高宗以後為宰相者必加同中書門下三品而張文權以東臺侍郎同東西臺三品同三品入銜自文權始。武后龍翔元年改侍中為左相中書令為右相尚書僕射為文昌後復改易補。自先天之前其員頗多景龍中至十餘人開元以來常以二人為限或多則三人。初三省長官議事于門下省之政事堂其後裴炎自侍中遷中書令乃徙政事堂于中書省開元中張說為相又改政事堂號中書門下列五房于其後一曰吏房一曰樞密房三曰兵房四曰戶房五曰刑禮房分曹以主衆務為宰相事無不統故不以一職名官。自開元以後常以領他職雖欲重其事而反輕宰相之體故時方用兵則為節度使時崇儒學則為太學上時急財用則為鹽鐵轉運使又其甚則為延資庫使至於國史太清宮之類其名頗多皆不足取法故不著其詳矣

五代後唐長興四年樞密使馮贇加平章事以其家諱改同中書門下一品

周顯德中樞密使吳廷祚亦以家諱改為

宋沿唐舊制其命相必曰同中書門下平章事即真拜侍中者不復言

平章事然國初止除范質趙普外是亦未嘗除人崇朝因仍三省長官

尚書中書令侍中僕射不與政皆為空官特以寓祿秩位品而已。元

豐三年神宗肇新官制以左右僕射為宰相。左揆兼東臺王文恭挂

為左相兼門下侍郎右揆兼西臺蔡忠懷確為右相兼中書侍郎行之

三十年政和間更左揆曰太宰右揆曰少宰而以三師三公是謂真相

。是時蔡魯公京以太師為公相宣和王黼以太傅總三省之事。靖

康末詔依元豐故事復為僕射何真初除是命左右僕射必兼門下中書侍郎

。建炎三年呂頤浩言被旨將元祐中司馬光建請併省奏召侍從參

詳宰臣乃不兼兩省侍郎。中書門下侍郎並為參知政事而復祖宗

之舊為同中書門下平章事職畧中與會要。乾道七年詔丞相總齊百揆贊

襄治道事無不統而僕射之官名實未稱宜倣周漢之制明年改尚書

左右僕射為左右丞相。其侍中中書尚書二令官制雖存皆設而不

除可並刪去以左右丞相充其位中興

檢正下繫

宋熙寧三年中書門下言奉旨議中書初置士人為屬官伏以中書統治百官以佐天子政事而所置吏屬尚仍舊制宜高選士人稍依先王設做置輔之意今欲置檢正五房公事一人逐房各置檢正公事二人並以朝官充。或用京兆官若選人即為習學公事見宰相參政如常朝官之禮檢正五房在提點之上逐房檢正與提點存官在堂後官之上職官分紀。官制行罷之其職歸左右司為志。建炎三年以軍興多事文移培增再置中書門下檢正諸房公事二員序位在左司上中興。次年罷紹興二年復置一員會要。

左右司

隋煬帝三年尚書都司置左右司即中各一人品同諸曹即從五。掌

都省之職通典

唐武德省正觀復置掌副左右丞所管諸司事二十四曹呼左右司為

都公補。龍朔改為左右承務。咸亨中復為左右司郎中。武

又增員外郎各一人與郎中分掌曹務。永昌三年置神龍初省後復

置。朝服與諸司員外郎同唐職官志。宋朝以為階官元豐正名始

實有職掌左右司郎中各一人左右司員外郎各一人題。凡四員掌

舉諸司之綱紀號為都司亦曰左右曹焉職。建炎三年以置檢正減

左右司二員明年復會。隆興元年從右諫議大夫王大寶等議詔左

右司郎官各差一員減罷二員二年詔左司書擬吏戶禮機速房右司

書兵刑上賞功房文字會。後以右司掌刑房事任為劇乃置二員中

參知政事

後魏古弼大武特為尚書令參知政事。

隋蘇威高頊宇文述等參預朝政。

唐劉洎張文瓘皆參知政事魏徵杜淹參預朝政蕭瑀參議朝政崔仁

師等參知機務此其始也劉洎貞觀十三年尚書右丞以黃門侍郎

參知政事李義府永徽六年中書舍人守中書侍郎參知政事盧承慶
顯慶四年度支尚書參知政事張文瓘乾封二年東臺舍人參知政事
宋乾德二年太祖已相趙普畏其專相擇官以為副而難其名稱召陶
穀問曰下丞相一等有何官對曰唐有參知機務參知政事今可用之
遂命薛居正呂餘慶為參知政事惟不宣制不押班不知印不升政事
堂止令就宣徽院使廳上事殿庭別設塲位於宰相及勅書銜降相
數字月俸雜給皆半之此乾德之制也至開寶六年詔押班知印及相
祭行香今宰相趙普與參知薛居正等輪知雍熙四年御史言文德殿
常朝百官皆有塲位唯參知政事每遇橫行參假未有塲位詔令依位
排砌。至道元年詔參政宜與宰相分日知印押正衙班其塲位先異
宜合而為一遇宰相位視事及商議軍政事並得升和堂先是呂端
冠準並為諫議大夫參知政事至是端相而準尚參知政事端憲準不
平且言臣冗餘慶任參知政事只悉與宰相同願舉行之特從其請次
年準既罷詔以宰相押班知印參知政事選正衙橫行參假並重行
異位非議軍國政事不得升和堂祠祭行香書勅並依開寶詔書。元
豐官制罷知政事以門下中書侍郎尚書左右丞為執政。建炎二
年呂頤浩請將元祐司馬光併省奏召侍從參議孫覿等請以門下中
書侍郎並為參知政事而減罷尚書左右丞為中興

樞密院

唐代宗永泰中置內樞密使馮翊 續以宦者為之初不置司局但有叁
三樞貯文書而已其職掌惟承受書奉於內中進呈若人主有所處分
則宣付中書門下施行而已呂源明家 代宗永泰中宦官楊廷秀參
掌樞密事。宗元和中劉光琦梁守謙為樞密使。穆宗初年以宦
官知樞密事舊左右軍容多人為樞密不著三閤轄書禮而已亦無視
事之聽後禧昭時楊復恭西門李玄欲奪宰相權乃於堂狀後帖黃指
禪公事此其始也續通

後梁革唐世宦官之弊改樞密院為崇政院命敬翔為使始更用士人
其備顧問參謀議于中則有之未始專行事於外也五代

唐莊宗同光元年復以崇政院為樞密院命宰相郭崇韜兼使又置院使一人然權侔宰相矣五代會要

晉高帝天福中以桑維翰知樞密院事四年廢樞密院以劉處謙兼樞密每有奏議多不稱旨及處謙丁內憂乃以樞密使印付中書門下遂廢其院晉少帝開運元年復置以宰相桑維翰兼使

周顯德六年范質王溥並參知樞密院事五代全要

宋樞密院與中書對持文武二柄號為二府太祖建隆元年以魏仁浦吳廷祚為樞密使趙普為副使用未闕副使至是始置。太宗太平興國四年以石熙載為樞密直學士以簽書院事簽書之名始此。淳化二年以張遜知院事溫仲舒寇準同知院事同知院之名始此。真宗治平中以郭逵同簽書院事同簽書之名始此。舊制樞密院有使則置副使有知院則置同知會要。如置知院則當為副使者皆改同知若置使則同知復改為副使。神宗熙寧元年文彥博呂公弼為使韓絳邵亢為副使時陳升之三至樞府。神宗欲稍異其禮乃以為知院人

是知院與副使並置矣。元豐改官制議者欲廢密院歸兵部神宗曰祖宗不以兵柄歸有司故專命官統之互相維制不從然以樞密職輔弼非出使之名乃定置知院同知院二人餘悉置職事亦多所釐正細務分隸六曹專以邊幾兵政為職而契丹國信民兵牧馬猶總領焉。中興初有知院張浚同知院富直柔簽樞張守同簽樞韓肖胄不置樞密使副使。高宗紹興七年詔依故事置樞密使及副使其知院同知院僉書並如舊中興會要。副使自岳飛罷後無有除者

樞密使

五代置樞密使

國初因之詳見樞密院。太祖建隆三年趙普為檢校太尉充樞密使不帶

正官充使自普始也開寶九年曹彬為樞密使領忠武軍節度使樞密帶節度自彬始也。太宗太平興國六年石熙載為戶部尚書充樞密使以文資政官充使自熙載始也。真宗祥符五年王欽若陳堯佐並守本官檢校太傅同中書門下平章事充樞密使儒臣以樞密使兼使

相自欽若等始也。此事見宋仁宗皇祐五年樞密使高若訥罷令舍人院草詞樞密使免罷不降麻自若訥始也。神宗元豐官制行罷使副。高宗紹興七年復置會。副使自岳飛後無有除者。

宰相兼樞密

國初魏仁浦以宰相兼樞密使後罷。仁宗慶曆二年西方用兵富弼屢言邊事繫國安危不當專委樞密宜使宰相兼領於是以宰相呂夷簡判樞密院事章得象兼樞密使王舉正言二府均體總制之名太重亦改夷簡兼樞密使五年從賈昌朝陳執中之言罷兼樞密使以邊事寧故也。高宗紹興七年令宰臣張浚兼樞密使趙鼎秦檜亦以左僕射兼二十五年檜薨明年詔曰此緣軍興令宰相兼樞密使典掌機務今邊事已定可依祖宗故事更不兼領。中興會要二十三年孝宗即位參政史浩論樞密合使宰相兼使事因引富弼對仁宗故事上曰正合朕見詔宰臣依舊兼樞密使。孝宗會要淳熙間省事。

樞密院

晉天福元年掌書記桑維翰以翰林學士尚書禮部侍郎知樞密院事知院之名始此。紀分

國初不置淳化二年樞使王顯出鎮始以張遜知樞密院事。元豐官制行廢使副存知院。中興初宰相兼樞密只兼知院。此事見建炎四年詔

同知樞密院事

五代有參知樞密院事。見樞密公華

國初闕淳化二年王顯出鎮始以溫仲舒寇準同知樞密院事同知之各始此。會神宗元豐官制行廢使副存同知

簽書樞密院事

國初缺至太平興國四年石熙載元懿公以樞密直學士簽書之名始此。會後又有同簽書大抵以處資淺之人若簽書一經親祠方進同知及副使若武臣擢預國政只除同簽書。治平中郭達除同簽書。元豐官制行並罷。哲宗元祐初復置簽書事。四朝志後多帶端明殿學士初除必降旨恩例並依執政蓋本條不同執政者自同本條故也。見淳熙

樞密都副承旨已下條

五代有承旨副承旨以諸衛將軍充。

宋太宗太平興國中以楊守一充都承旨都承旨自守一始也。是時都承旨副承旨多用士人比僚屬事參謀議。真宗後天下無事稍稍遂用吏人歐陽脩建言請復舊制不克。神宗熙寧三年始以東上閣門使李評為樞密都承旨李綬為之副不用院吏而更用士人自評始也續會。熙寧五年以尚書比部員外郎集賢校理同修起居注曾孝寬為起居舍人充史館修撰兼都承旨先是或用士人亦止於右職中選用文館兼領自孝寬始也。元豐三年用張誠一為客省使都承旨自是都承旨復用武臣續會。聖宗元祐中復以文臣帶待制充都承旨職官。元符中王師然為都承旨左司諫陳瓘論神考以文臣為都承旨其副則參用武臣之可用者今師約據文臣之位甚非神考設官之意至崇寧以後則專用武臣四志。高宗建炎四年以辛道宗為副承旨。紹興元年詔依元祐職制置都承旨一員差兩制中興

檢詳

神宗熙寧四年以編修經武要官王存四人檢詳樞密院諸房文字視中書檢正官贈十年詔以二個為任。元豐元年詔定置二員及改官制檢詳尋罷。建炎中樞密院請依祖宗置檢詳二員在左右司下。高宗紹興二年詔樞密院已置都承旨一員減檢詳一員二年樞密院請置二員從之中興。三十二年詔樞密院諸房令檢詳書擬從左右司請也孝宗

編修

宋仁宗慶曆四年史館王洙承旨單士寧編修例冊編修之名自此始。神宗熙寧三年以館職王存顧臨等同編經武要畧兼刪定諸房例冊。哲宗元祐四年詔樞密院條例久未編修又自官制後舊事錄他司所存者亦未刪正命承旨司取索編修以奉議郎蔡嗣宣德郎衛規充編修官續會舊以四員為額。高宗紹興與裁省其半三年樞密院請置檢詳二員編修止存一員後復中興

群書考索卷之五

後集

劉德

東洋
所藏



所入
圖時
書卷